

頤

道

堂

文

鈔

頤道堂文鈔卷四

聖駕巡幸

盛京祇謁

祖陵禮成頌并序

代

皇上御極之十年璣鏡含輝珠囊協紀八紘桐茂六幕棣
通揚玉燭之道光飲醴泉之和氣黃鑒元柜嘉祥豐乎百
昌白雉素鳥仁孝動乎庶類神筮受泰元之紀蒼牙通靈
昌之成矧鸛鰈茂卯亥埏由庚筮雲漢之人文偃靈臺之
師節榮河順軌宣房築龍淵之宮鏡海安瀾戈船靖蛟門
之島金鵝入徂贄幣達乎星源銅虎分符郡縣周乎月窟

固已華平蔭闕薏脯豐厨雕氣煙熅梢雲糾縵爰迺規撫
寶錄瞻

聖作於圖書景仰

珠邱溯

皇靈於弓劒蒼龍天駟值周王禰畢之期翠羽金支舉漢
代上陵之典淵乎茂矣俟其禪而臣聞義皇誕育青虹繞
成紀之區軒帝篤生紫電耀壽邱之宅降流星於華渚貫
月凝祥鬱雲氣于丹陵觀河誌慶樞精感姚墟之野神珠
表石紐之村自古闡握珍符蚤承寶命莫不戴于表象履
斗誕靈錫金策以膺圖集玉環而受錄我

聖清之御宇也璿源疏派榑木分枝益地呈圖潭水靜鳴

江之綠儀天考曜日華流鵲果之朱應箕尾之星躔撫幽
營之版籍白山東峙表參墟震域以疏基黑水南流邁夏
大殷中而啓服爰自赫圖之舊遂開遼瀋之陽盛京者
列聖經營之蹟

國家根本之基邁封鉅於黃靈視鮒隅於黑帝

龍興一旅應龍尾以建垣牆奠四游左轡峯而作鎮邊門
繹絡九宮彰武之臺渤海汪洋萬派朝宗之水帶朝鮮之
下國控鄂羅之外藩北鎮醫閭望海表人皇之陟西流葦
峪渾流辨太子之河

運啓神功

業隆天作奉安

列祖

三陵在焉紅椿鱗集鳳蟲蟠下馬之碑

珠殿雲重甲冑仰飛龍之庫賦神榆于寶頂

天藻流輝嘶石馬於崇墀

皇威播遠祠官儼恪瞻源瑤牒之英歲祀苾芬玉豆雕甍
之奉黃龍繪壁同會稽文命之琴青鳥銜珠視衡嶽重華
之樹騰喬雲之五色燭霄則龍虎成文列仙仗以千重守
隧則熊羆服猛加以崇壇肅穆

太室森嚴

宮紀清寧地天交泰坊陳功德文武兼資殿符大政之名
閣記崇謨之實尊藏

玉璫陳蘭典之輝煌篋衍青編集蘿圖之絳縹周廬綺錯
列宿環太紫之宮微道縈紆華蓋奠中黃之宇璇題與玉
英一色銅雀竝鐵鳳齊飛麗天府而壯

陪京隆

上都而觀萬國若夫威呼雨集窾木輕舠艦之舟周斐雲
連綯索代鴛鴦之瓦襲霞縹而夜照田燭風淳陳寶斐以
晨餐鏹羹俗古珠旗金箭家傳虎豹之鈴扈帶鮫函人識
風雲之陣玉山禾茂凌河藩騏驥之閑青海沙平內府典
駝牛之局洵紫濛之福地黃圖之上游矣溯自經緯星辰
光華日月例周京之豐鎬邁漢氏之枌榆

聖祖仁皇帝以十年初舉上儀

高宗純皇帝率百官四行巡典我

皇上德隆繼述

治洽神人握金鑑以照九瀛緯瓊綱而理百物禮

橋山而陪祀溯

青宮侍

膳之年展

太室而升香記玉冊尊

親之日明禋舉典大饗修儀

飭容臺使考文

詔羲和而練日金鏤紫軼扶泰壹于八神瓊斂儀鏗肅鉤
陳于七萃明河絡角夜色澄玉帳之波曉日升華霽景麗

金輿之色名王負弩周陟之環衛星陳屬國來庭夾轂之
歡聲雷動望

陪都而戾止展祀事以告虔

玉殿鼎新

寶城翼峙禮求幽之瓚灌炳達鄉之蕭光物備九州洽壬
林于百禮樂陳六代舞千羽于兩階華黍蒸糕縮茅釀醴
玉瑤鞞琤感

寢園霜露之思寶繪丹青想遼海風雲之盛加以懷柔河
嶽宸沈永奠乎方輿佑報勛庸懌莫親臨乎宗布於是
御總章而受賀

頒渙號以敷

恩閭闔彤輝式啓朝正之典爰闔赤帟重開玉會之圖青
社疏封奕世作大宗之翰璫臺用享百神飫上帝之觴
頒粟帛於蒼耆廣譽髦於黌俊男錢女布播捐租給復之
謠木鳳金雞下尙德緩刑之令問糠粃于暖閣

儉德則率土欽承訓栝矢于吉林武備則敷天震疊雁臣
禔福龍塞臚歡然後丙御迴鑣辰旗轉旆祇望塵于

輦路前期晉

萬壽之尊仰述

德于

宸篇寰海讀八章之頌百祥總萃萬福響臻茂實英聲應
圖合牒踰繩越契括七十二君之文甄殷陶周踐三五六

經之迹美矣盛矣唐哉皇哉臣甫列清華游超侍從

恩綸特下叨甲第之殊榮

溫諭兼頒卹庾郵之遠涉慕

日月乾坤之狀戴

德彌深懷

天地父母之

恩迎

鑾恐後思報涓埃于瀛嶽祇守職業于文章三禮未嫻愧
杜甫早朝之賦四言學製效韓愈聖德之詩謹拜手稽首
以獻頌曰大哉

聖清肇基東方乾符錫祉坤祇發祥高山天作五峯頡頏

潭潭闔門委輸靈長混同浮浮愛漳湯湯布庫東峙天池
紘滄握登啓虞扶都生商愛新建福覺羅會昌爰定三姓
始基八荒仰惟

肇祖居岐之陽光復舊物濱河濬隍

四祖承之五城鎮防遂平二族靖其跳踉欽惟

太祖受命溥將振興遺甲弓矢用張九部潛蟻七寨拒螳
輝發負固納殷披猖次第咸定以膏斧折強敵卅萬逆我
顏行薩濟一戰如霆如礮 天戈所指咸走且僵始造
國書音均鏗鏘製仿佉盧義包沮蒼遂成

帝業四國是皇

太宗承

緒撻伐是彰虎臣矯矯武夫洸洸雷雨經綸風雲翱翔東
克平壤

恩碑孔詳桓桓松杏龍旗輝煌三院敷文六官明敷金神
集祐

玉璽告慶五虎懾懾雙龍騰驤

福壤鬱蔥二京相望萬山拱翼羣流交纓

世祖定鼎遂開明堂化被烏濟威行狼荒爰重
畱都式鞏金湯守臣禋祀歲事有常

聖祖三莅敬達瑄薌

憲皇藩邸奉齋齋莊日若

高宗提挈天綱大典四舉珪幣篚筐職事有恪牲牷壇場

我

后丕承臨軒垂裳物臻耆壽時和雨暘集瑞圖書貢琛梯
航通道柳穀息波蒲菖流沙西耀丹崖南煬日月出入咸
來享王三省蘂芽太白耀芒

廟算指授星韜機槍歲星在丑輝明角亢九州清宴屢豐
告穰緬惟

前列敢是不獲乃頌

溫綽

聖謨洋洋七月之吉金行始霜式備

法駕方鉉玉璫車乘金根馬控吉量千乘萬騎

帝車中央置吏擁簪虞人成梁戾止

舊京廸惟

前光景仰

天闕徘徊

帝鄉爰舉郊社思日贊襄答

眷嶠載璧蒼琮黃爰禮

寢園典行秋嘗精爽陟降瞻依徬徨爰

御前殿衣冠九閭朝儀肅穆泰交明良爰

泣後寢雖麟鳳鳳黃生下庭柯挺東廂

天子大孝慕於羹牆憲

考述

德曰篤不忘

天子至仁羣祀用臧式序在位格于馨香
天子敷文金玉其相拜縑秀髦增額虞庠
天子講武申嚴牙璋旌門觀射破的示強
天子行慶湛露灑灑黃封十賚珍逾球琅
天子施惠戶盈囷倉擊壤鼓腹耆年樂康
天子篤親推

恩

天潢維城磐石奠茲苞桑

天子酬庸勵翼勛功宗秩祀後嗣奮揚

天子賜宴方朔兩廊鹿萍魚藻翠樽雕觴

天子宥罪

命茲鵬鵠湯網解維寬於桁楊

天子觀書文溯是藏羽陵曝蠹珍儲縹緗

天子考牧騂駟駟太僕掌之兼及牛羊

大禮慶成姬隆陶唐星樞旋鑣方鉤鏤錫問俗元菟採風

白狼休咎赤烏瑞徵銀塵羣工奏頌玉膏芝房

小臣

繼聲

稽首拜颺我

皇晏壽億年無疆

眉賦

新月兮嬋娟春山兮邈緜石黛兮烟潤香螺兮色鮮則有
衛國碩人秦宮麗妾漢殿容華魏臺妙曆先曙色於啼鴉
撥溫香於睡鴨理百子之彤歛啟雙龍之寶匣亦有大家

婉嬾少婦娥嬬後房嬌嬬北里嬌嬬怯空房而掩嬬怨守
宮之不消莫不自翦燈花親研縹粟學染鴉黃輕調蛾綠
展妙手之纖纖畫長眉之曲曲宜笑宜嗔佯羞斂顰慧能
解語俛亦生春有如西子澣紗越濱小麝凝香修蛾出繭
江上峯遙鏡中痕淺又如文君含悽宛轉描多翠重粧罷
雲橫千愁并聚百態交生似絳僊之秀色處月觀而傾城
意遠態濃衫長腕弱桂葉膏輕蘭烟暈薄似虢國之早朝
入宮門而綽約羌臨風兮欲僊情芳華兮妙年稱曼睩兮
眸鳳隱盛鬋兮鬢蟬嗟國色之難觀廼天然之可憐是以
錄修眉史疾深眉癖眉匠一雙眉圖十百北方有眉石之
山南海有眉嬬之宅仿御愛兮娉婷羨京兆兮令名思嬬

琴而恒對句捧硯而效靈願在眉而爲黛又何惑乎閒情
半臂賦

爾其蜀錦明光吳綾熨貼妙製緣襖華紋壓袂複隱連理
之襜褕減合歡之福同僊家之裾礪異軍中之袴褶亦有
蹙成金鳳繡出銀鸞綠蒙細織香麝輕盤蜚黻含麗纓綴
耀鮮十種滕王之蝶一隻孟家之蟬麝勝掩紫燕髻拖翠
襟膩蘭膏領圍粉漬稱裁量而肩削結綢繆而腰細約漢
殿之華袿倭秦宮之霞帔輕重何如五銖六銖斜鞞文襖
勻排釵珠最宜花貌卻稱輕軀話秘辛之結束整比甲之
流蘇半飛燕之廣袖疊彩鸞之繡襦鈿閣寒輕華鐙醉淺
烏帽欲側紫裘初袒乍錯舄以達慄亦題巾而申綬覆肅

局兮添香啓金箱兮送暖碧羅兮絳紗蹙水兮飛花錯采
兮五色圖雲兮九華憶湯餅兮心結攬酒痕兮夢賒問何
人兮消得彼宋玉兮東家

厭賦

龍綯離塵鳳味俯春步蓮雙蒂卻月半輪香畱暗迹玉砑
微痕繫西家之舊製稱南國之佳人爾其爲製也花勝中
虛水紋外膩刻楮工良屑檀香細鏤半寸之紅牙觀一層
之紫膩量鈿尺以無多掩羅袞而覺麗於是深宵翦燭小
院垂簾淺幫窄窄新樣纖纖尋來畫屨裏以香縑剪刀輕
築銅釘暗箝鴛鍼徐度鸞膠細黏稱玉趺而剛好提金縷
而自拈試凌波之微步餘貼地之雙尖瘦腰益瘦輕軀逾

輕增豔婉嬋崇麗媚姪轉端莊而流麗飾姢嬈爲娉婷登
小樓而閣閣扶畫檻以亭亭今茲立月家家踏青處處人
傳羅襪之篇戶誦錦襪之賦實則絳跗飾媚而彌佳白足
效顰而益誤倘非窈窕之姿莫學邯鄲之步

白秋海棠賦

涼夢迴雲芳姿瘦玉寂寞苔階淒迷蘿屋花楚楚而洗紅
葉娟娟而媚綠映碧紗之幾重罨朱闌之一曲于時疎雨
乍歇薄煙未收螢流舊影葉聚新愁碧雲黯其欲暮素月
淡而始秋則有翠佩攜瓊雲衣綴羽脈脈含顰珊珊延佇
結幽恨而彌貞抱素心而誰侶小姑之別淚漸消倩女之
離魂欲語昔有人兮冰肌玉顏小庭秋影一叢泫然下玉

階而掩婢障羅袂而自憐今則鏡掩樓空簾垂目斷畫梁
之燕泥自落網戶則蛛絲長罥雖復牆陰花早檻外秋深
嗟玉人之不見悵仙夢之難尋感白花之畱影悲紅草之
傷心攬芳華之如故寫惆悵于哀吟

邗江女子畫秋色屏風賦

有廣陵之名媛溯宏農之華望滌金粉之豔情託丹青之
遐尚列畫屏之迴互寫秋顏之幽曠則見夫妙筆紛敷仙
豪明靚金井葉落玉階花冷瘦蝶朝慵寒蟬夜警礪石鬱
而生雲斷樹枯而餘癭映江波以濯色窺澹月而畱影想
其花黃甫竟翠黛纔閒香奩初設玉臺次安展鵲溪之絹
素研螺子之碎斑時則瓶卉香氤庭葩露寒疎紅碎離殘

綠影闌幽蘭芳而華珮結女蘿開而翠袖單于是感秋心
染秋色損秋意之離離寫秋情之默默招怨女之秋魂弔
貞姬之秋魄六宮之銅輦初遙九月之寒砧正急感無限
之離騷託有情之于墨僕嘗泛扁舟渡邗溝訪螢苑經迷
樓月觀無人雷塘自流帳畫檻之珠簾弔青苔于玉鉤惜
美人之遲暮感王孫之遠遊睹茲圖之娟妙益惆悵而悲
秋羌妙墨兮生香與簪花兮競芳約翠闌而腕弱浣羅衣
而袖長障碧牕而畫靜倚銀燈而夜涼詠秋懷而作賦又
何羨乎鷗波之管與畫院之楊

孫文靖公宦蹟圖贊

并序

夫間蓬藿之觀者不足語閭閻之崇麗耽巖壑之味者不

能識廣輪之表遠尺潘寸澤非修鱗之所潛也搶枋決榆
非逸翮之所戾也是以陶峴舟翼空詡水僊靈運屐齒乃
呼山賊曹子建節遊之賦惟云漳滏蕭之範極望之詩不
越林野雖適山澤之儀殊乏汗漫之致其或勇匹甘陳略
儕衛霍博望奉使鑿空瀚海之外票騎出塞揚旌天山之
表而聚米畫地不成山川受詔賦詩未諧競病雖州有九
厯其八嶽有五陟其四未足展蹕蹕之興盡蹤跋之致也
仁和相國孫文靖公言綜九流才貫七帙金版玉帙竝加
元覽陰符握機咸有著述崔慰祖聚書萬卷張平子精思
十年自其晝誦青史夕披白圖蓋已習商高之術精章亥
之智矣公之達也已在中歲奔走屬車之副出入承明之

爐文露護其膏澤吉雲蔭其華采假令神魚跋浪便升陵
門鴻羽遇風直上交宇何嘗隘魏丙之規損姚宋之業然
而經濟者才也遭際者遇也無緯繹之量無以埏埴八紘
無風雲之會無以虛平六合且夫銘勒甯彝麗竹帛其
端有二可得而言挈瓊綱贊紫綽風后爲黃帝侍中仲虺
作成湯左相上官河山柱之文奏神雀嘉禾之頌此其翼
翮密勿者也秉龍節佩虎符畢公命之保釐方叔以爲元
老絕域獻并角之獸中宸明歸邪之星此其敷厯疆場者
也古稱九能得三可爲大夫九德有六可爲諸侯兼備之
難自昔然已我朝昭宣九伐統馭五靈貫胸鑿齒並入
版圖烏許狼臙咸隸郡縣定遠開都護之府仁恩築受降

之城公初從戎幕便縛韉刀老厯封圻屢持玉斧停驂雪
城艤櫂冰海危而復存則地涌耿恭之泉險而獲濟則神
擁潞公之幕若其緩帶流連雅歌鎮定昆侖天柱以銘功
烈河源星宿以爲湯沐較之視草樞庭啖芋蕭寺安行其
素未之改焉綜而計之公之晚達也類顏驥之在郎署公
之通顯也同魏尚之守雲中公之立朝也有九齡風度之
美公之出鎮也有萬福威名之歎而艱危備嘗夷險一致
則此三十二圖者卽公一生出與處之大略也某浙人也
於公有桑梓之誼又辱與令孫均有縞紵之約經年賓館
備讀遺文數仞祠堂曾瞻畫像崇封奕世寶王祥之佩刀
清節承家珍鬱林之奇石不揣鄙無妄加獎歎庶幾舍棠

勿翦周人尙思召公廟柏猶存蜀士長懷諸葛云爾

昔有范公讀書僧廬斷齋畫粥天下以腴公之讀書實事求是所學伊何經經緯史蕭寺讀書圖第一

天地鎔鑄性情陶寫舉夔周召竝嫺風雅昌黎有言詩正而葩餘事爲之卓乎大家蘭里結社圖第二

賈生治安仲舒天人待詔金馬今之出身自有經濟不媿科目桂林一枝崑山片玉春明射策圖第三

翠華省方江山騰歡小臣慕思簪毫迎 鑾奏一萬字凌

雲畫日 帝語從臣還他第一 行宮獻賦圖第四

緩珮華閨簪筆紫宸出納王命如絲如綸古之詩人此問覓句青苔紅藥鳳池雞樹薇省尋詩圖第五

漢時五柞唐宮九成曉乘殘月
麟麟車聲文不加點奇才
冠世神索風清一揮九制
仙園倬值圖第六

禁旅合圍名王奉輦桓桓上
蘭歲舉秋獮短衣快馬長從
屬車如傳修期據鞍疾書木蘭
扈蹕圖第七

金江浪惡銅關道危鼓行深入
落日照旗三日斷饗一騎
墮水百死一生艱鉅之始緬陽
從征圖第八

瀾瀾者水英英者雲靈均可作
我思古人荆門月上楚臺
雲起旣採竹箭還擷蘭芷湘浦
攀芳圖第九

嵇康鍛竈阮孚蠟屐古之名人
乃各有癖一百一石珍于
玉璜何以配之曰米襄陽鷺洲
採石圖第十

一峯獨秀其高插天南望故鄉
郵程六千白雲孤飛思親

竭極孝子之心何開存歿獨秀望雲圖第十一

泚泚滇池亦曰洱海樓船習流餘浪猶駭青山倒影風雲
混茫解戰一笑足踏點蒼昆池濯足圖第十二

木天金海名材是儲如何珊瑚乃遺明珠臣心如水主
知獨結臣衷所歉乃補其缺瀛洲染翰圖第十三

寫書設官獻書賜金七閣四庫富於華林青藜夜中玉堂
天上莖文一志何如劉向蘭臺校書圖第十四

華日鳳樓禁鐘長樂風度凝然鸞鳳驚鸞禁柳煙潤宮花
露消微吟和之唐人早朝龍墀待漏圖第十五

柳邊歸院花底退朝自公休沐尺五絳霄寶鑑煙輕畫簾
風細一縷名香 尙方新賜燕寢凝香圖第十六

泰山之巔曰日觀峯下視積靄其青濛濛爲搏桑日爲大海水六合軒朗胸次如此岱頂觀日圖第十七

桂海之桂凌雲涌煙偶來東堂誦招隱篇使節重莅秋色正好沈吟舊夢雪泥鴻爪桂林懷舊圖第十八

小醜弄兵上相秉鉞克期大舉繹絡徵發羽檄甫至樓船已來大臣之心名將之才潮陽祝師圖第十九

一戰破敵三江飛渡重觀天日壺漿載路可惜居王不振若彼聖主有言天厭黎氏嘉觀撫降圖第二十

馬謖昧幾徐龕違節責在元帥上表自劾帝鑒忠赤

命歸典午一颯去矣人思翁姥珠江轉擢圖第二十一

禁體詠雪石銚煎茶歐蘇往矣其風孔嘉爲國得人茹

迎茅拔公門桃李孰傳衣鉢試院論文圖第二十二

唐時帥蜀例多賢豪前有嚴武後稱韋皋一千年後公來繼之至今蜀人飲食謳思雲棧擁騶圖第二十三

黃流入海奔騰朝夕賈讓有言治無奇策公來作督萬指赴功瓠子安流築龍淵宮黃河立馬圖第二十四

金川底定設羈縻州亦有營屯改土歸流節相簡士旌旌被谷宣慰宣撫爭捧馬足玉節秋巡圖第二十五

鹽梅鞠蕖國資相臣蒼生疾苦前席面陳遠猷辰告不忘翊贊蕭規曹隨房謀杜斷黃扉夜直圖第二十六

今之喀木古云析支蝸角蠻觸乃煩王師一軍青海已達後藏老臣請行通道轉饗楮機問渡圖第二十七

雪城竟天終古不化綠崖一綫冰海在下一事快意前無
古人山靈屬吏活佛部民丹達勒銘圖第二十八

楚蜀之交山險箐密苗勿卽工狼豕奔逸我扼其吭彼猶
不知雅歌投壺時還賦詩鳳嶺登高圖第二十九

苗患未竟賊氛又起何人養奸事乃至此一戰茶園再戰
仙坪望旗鼓寒剋日肅清紅巖籌筆圖第三十

頗縱遺矢援猶據鞍力疾治軍衆心以安攬鏡自驚衰顏
老醜將星欲墮其大如斗玉帳占星圖第三十一

自知不起付託及早而授兵機口占遺表臣年非天七十
又一一事不瞑蟻賊未滅虎牙付節圖第三十二

從兄翼盒先生三十九歲像讚

兄名鴻壽字曼生

嶽嶽元方表異負聲臣族之彥王國之楨名山讀書儒林
取友世南五絕子建八斗世有大科兄祖魯齋先生乾隆
家承小學斯冰義獻若華在嶽作器能銘登高能賦殘膏
所潤趨者若鶩歲星在西拔萃壯才殿前奏頌帝曰嘉
哉宰相問名公卿動色日下論交傾蓋側席方今海內不
乏作者明體達用兼才蓋寡識練以達文博而雅此才一
出萬馬俱啞昔在琅環參軍海上草檄華燭譚兵玉帳驅
策樓船指揮諸將長纓一繫天清地曠己未庚申之交兄
師浙撫幕府籌海章程多出兩人手辛酉春余入京師兄
西幕府者又數年亦粵南交海氛遠
熾制府名賢文成之裔楊僕下瀨盧循就繫先幾謝代超
然遠避乙丑兄從那繹堂制府巍巍宮保端右柱石作鎮

八粵籌粵洋勦撫之策

三江下土是宅日君國士禮君上客聚米畫沙用籌朝夕

丙寅兄來袁江鐵梅
菴制府延佐宣防

黃流浩浩

神堯是咨變盈流謙地

道允宐非常之原黎民阻飢煌煌御記二渠用醜吾宗

治水世有明德漢廣陵守

東漢廣陵太守陳登築受敬塘以障淮水今高加堰其遺阨也

明平江伯

平江伯陳瑄開惠通河以利漕運

國朝寶臣文襄翼翼天一

贊之安瀾奏績

本朝靳文襄公治河用家省齋先生策為多省齋名潢宇天一錢塘人

君尙

克繼媲美先哲汝南月旦兩稱三陳

阮雲臺師督學浙中以見與家瀛芝及余

為錢塘三陳嗣兄與余先後入京師家荔峯亦在都下人又以為浙江三陳瀛芝名甫荔峯名嵩慶詩壇酒

國如雷如雲人海浩浩惟吾與君王盧前後何足用喚

雲侍御偶言三陳以余為首兄聞言揭書相較皆戲言也其實諸陳中余最庸下所謂附驥尾者耳昔聞元

龍湖海之氣君得其大百川用濟叔度澄量伯言令器雲

夢八九曾不芥蒂君才磬磬無所不可百事就理抱膝而坐須臾軒然其笑也歌一邱一壑何可無我

種榆道人三十九歲像讚

余旣作前讚兄嫌其涉言詮也乃復爲此

道人之性如雲如鶴道人之心如雪如玉其才江河其氣湖海其盟金石其臭蘭茝行絕畦畛胸闢城府人情通今交道隆古和而不流博而有節氣詒所敦百年若一燕雁代飛雲萍屢合明星厯厯青天四市銀漢西轉黃河東來思君不見中心徘徊

碧城外史自讚

其爲人也不奇而亦不庸其涉世也不介而亦不通其爲

文也不拙而亦不工其持論也頗中無鄭虔三絕而知讀
書有蕭琛三好而不飲酒無鄭莊之俠而亦友士非高柔
之隱而頗愛婦登高作賦臨流賦詩攬鏡自照鬢髮有髭
感花月之如故慨神仙之難期繫吳孃之有情乃買絲而
繡之

金匱女士楊蕊淵金箱舊說序

碧堂翠水起高會之池臺青錄瑤滕閔真靈之譜牒七寶
清虛之府三成縹緲之樓屈戌以連理成聲杳恩以迴文
作字玉臺宮體已擅前朝金屋才人近生並世女士系分
隨胃柳宿讓蹊里近蕭家蘭陵共縣鶉觚稅駕油幢甲第
之門魚嶺停車畫檻下簾之宅盈川集裏屢見容華郡掾

書中最思徐淑以至明眸再顧綽態無雙曼鬢垂髻豐容
第一僊貌與瑤花競麗神光共璧月爭華瓊姿入畫丹青
寫而遜工皓質應圖金翠飾而崇麗氣息蘭蕙衣經澣而
逾芳唾咳珠璣聲不歇而自韻加以佚麗東霞輝炤北苑
鬢師眉匠鳥骨塗金面藥口脂龍膏貯玉掠盤雲之高髻
畫卻月之長蛾燕釵華勝百福開歛鴻衣羽裳五銖綰綬
瓊蕤寶鉏熏宐愛之心香翠絡珠纓稱昌容之頸飾紉文
犀而縑忿繡素玉以辟邪亦有紅絲簫局倒鳳銜花綠繡
笙囊驚鴻捧字天風響珮謚青琴以暗香小海迴波封鈿
筵爲圓聚珊瑚鳥使祇問飛僊瑋珎蟲齋願依繡佛觀香
小妹遜此娥嬋協辰眞妃謝其婉嬋洵可謂靈尊高秀福

慧昌丰者矣且如網絲絡月香奏瓊臺絳波種星華滋懸
圃雙題碧檻卽號蕊珠四壁琅函便同羣玉蔭鴛鴦於昨
葉翼鸞鳳以今花集靈臺畔娃草紛栽影娥池邊女香環
樹四非侍婢爭捲織羽之簾六出雛鬟競捧影犀之簾案
陳古史無異琅嬛之宮家有詩王卽是陳芳之國加以調
鸚誦賦篆鶴銜書鐫小字於蘭金剝芳名於茗玉雕龕瓔
珞宵禮黛神綃幙玲瓏春園香母箱橫烏玉紫狸秋窈之
豪匣飾琴螺銅雀夜蟾之硯丁香小麝御團之墨一雙石
葉文魚蠻繭之牋九萬靈飛篇目蘭修誦而傾襟墨會圖
經鬱嬪兒而斂袂旣而網羅瓊笈採集珍文夔妃帶象諷
偉賦於洞簫秦女乘鸞繹怨歌於團扇或芳苴鐙明金羊

四照或葡萄鏡拭青鳳雙來辰樓羽帔詠羅郁之僊詩甲
帳繡襦寫彩鸞之唐韻七始晏娛非值唐山之作歌十志
沉研無異班昭之續史雖復羽輪春駕桂表晨遊引懼玉
娥之湖停驂金姥之宅綠沉鏤管長伴麝勝紅沫雕盤竝
陳倪鑑新粧未竟便理緗囊夜漏將殘猶緝繡褫腕劇作
鎮齏粉於蜜香指印畱痕浣湘霜於側理加以流分涇
渭區別荃茅新羅艷詞竝題樂府館陶麗曲同記粧樓晒
臺閣之高文成宮闈之小錄華姬竝集配瑛拊石之歌僊
滕翩來翹袖折腰之舞非無本事大有別裁織錦之巷斯
傳文選之樓特起於是沉檀作樞石脈爲繩唐述深藏長
恩永守作娉婷之外紀爲金粉之新編吾宗競秀惟餘靜

華館詩

謂家雪蘭女士

藝苑同珍祇有簪花閣帖

長洲女士李紉蘭集古今閣媛

書法至如九華少女白麝題巾雙鬟麗人紅牙畫壁方當隱

書其讀真誥同儲識文錦於燕牌展韻紗於螭鈿行間字
細如賸眉史之圖紙上香多似買研神之記固勝玉蠶作
璽帝女之桑百枝金雁成行皇娥之桐千尺琳臚自賞蘭
帛相珍敬質曩賢兼諗來哲

屈宛仙韞玉樓遺詩序

自昔蓀橈蘭枻湘君弭北渚之節螭驂魚腰河伯舍東行
之駕涉江哀郢表忠愛於彭咸惜誦抽思適嬋媛於正則
騷古詞章其惟屈子乎宛仙夫人高陽苗裔靈均佚女紉
幽蘭以爲佩集芙蓉以爲裳娛光曼鬢玉佩鐙其陸離綽

態湧心桂枝結而延佇其爲詩也本幽憂之思結惓悵之
音芳菲菲兮滿堂雲容容而在下澧蘭沅芷未足表其芳
馨孔蓋翠旂無以方斯藻采斯蓋朱綴之正聲非止玉臺
之麗則也余旅食京華會題妙繪一麾江海竝誦鴻文管
道昇之點筆妙奪龍眠曹大家之續史珍儲虎觀泊訪鄰
洋之閣得繡韞玉之編琴河抱檻流水和其五聲春山當
門屏風張其九疊金釭銜壁石墨鏤華錦五色以相宣玉
十雙而爲珥碩人一賦麗矣峨眉靜女三章煒茲彤管若
乃閨中之秀江左爲多林下之風禺陽最盛席道華之才
情福慧雅潤居宗歸佩珊之耀豔溫恭英華彌縟或冠衆
芳于羣玉或標冷豔于遺珠殺粉咸書然脂兢寫倘合三

家之作竝登七錄之書定應下掩劉徐上追班左而羅綺
不勝蕙蘭先歇朝華易謝瓊樹長埋趙君子梁悼比安仁
哀深奉倩簾垂幕卷蒐蠹粉於金箱簞竟牀空錄烏絲於
寶軸貽之副墨索我弁言旃檀之烈過而彌馨瓊玖之光
韜而更采蕊宮花史前身原是蘇娘香草美人此集無慙
屈氏

送齊北瀛太史費西埔給諫奉使冊封琉球詩序

皇帝御宇之十有三年玉燭陽明璣鏡朗曜日月出入偏
安鶉居裨瀛內外咸樂燬飲南被鑄銅之區北輝銜燭之
門東界樛木之津西連若英之域莫不順天綱飮地釐延
喜奉贄昭華受祉合嬰瓊而入玃陳莖幣以來會惟時琉

球世子臣某遵 朝例遣陪臣某奉表請封 聖天子懷
柔遠藩錫之典寶爰簡儒碩用將朝命於是太史齊北瀛
先生銜 命以行給諫費西塘先生副焉太史蘭典受書
芝檢作頌偉蓬瀛之文藻蘊山海之靈秀給諫學綜五際
才貫九能內直樞密之地外嫻軍旅之務竝膺世華望爲
國瓌寶挹爐香而聯襜承龍節而接武於以揚 恩命宣
德意金冊緌綬布 九重柔遠之化白狼槃木慰萬里
歸義之慕 國之華也臣之職也太史閩人給諫浙人也
銜其山川言尋釣遊之地拾其香草用展桑梓之敬昔翁
叔守會稽而父老視綬長卿論巴蜀而亭吏負弩以今視
昔有其過之矧太史庭闈有具慶之喜高堂有重慈之壽

其行也既定省因便其歸也特休沐賜暇俾介眉壽賡燕
喜尤 朝廷曠典臣子榮遇矣昔歲在庚申修撰趙君中
翰李君奉 使冊封琉球世孫尙溫道出武林 並與從兄
曼生同在阮中丞琅嬛僊館承命賦詩中丞爲梓寄廈門
兩君載之封舟遠示屬國白太傅之詩集遠播雞林溫子
昇之文章流傳土谷才遜古賢遇優曩哲今太史給諫之
出都也東京祖道賦小雅者六卿南國人倫拜皇華之五
善鉛槧百軸珠璣萬言校之兩君抑又盛矣猶復采及蕭
艾索我卮言不揣樸昧竝爲嚶引咸屬微實之語無取溢
美之作若夫溯歡斯渴刺之系紀梅洋葉壁之程考唐榮
漢譯之典覽星拱華嶼之勝採之軒輶形之歌詠他日者

同歸八月之槎其鐫一品之集地不敏更將援筆而序之

邵夢餘大令鑑湖棹歌序

宦海有浮沈之險天涯多羈旅之悲人生最樂者其故鄉乎每見江湖載酒花月題襟其王粲以依劉偕陸機而入洛莫不憶舊遊感疇昔矧湖鑄軒皇之鏡山藏夏后之書有朱樓白塔之觀兼修竹崇蘭之勝彭澤松菊託興柴桑張翰莼鱸寄懷笠澤夢餘先生鑑湖棹歌所由作也先生居近龍山家鄰鑑曲雲樹方千之島煙波范蠡之洲柳姑祠好祇賦近遊梅尉山深早思偕隱旣而綰符江表奉檄南州看山拄笏借雙屐之煙霞載鶴尋秋弔六朝之金粉關心風月易感離悰回首家山彌深棖觸託纏綿于往蹟

寄激宕于新詩人之情也能無感乎且進退時也并沈命也向使張衡早賦歸田孫綽遂更初服則元真泊宅魯望浮家跌宕醉侯招邀漁弟浣紗之石藉落花以垂綸流觴之波蔭古樹而濯足漁隱之樂亦郊居之適也迺半生拙宦晚更依人十載清名老仍作客憶故園之春色淚灑斜陽聽旅館之秋聲涼生夜雨買山無力何年是歸隱之期仰屋空嗟終歲作著書之客詩人少達廉吏難爲末路之窮吁可悲已百首吟成一編寫竟焚香細讀如聆款乃之音剪燭頻繙彌結菰蘆之想

袁蘭村燕市聯吟詞序

夫霓裳十隊仙璫無獨用之音龍鍾千絲雲錦有相彰之

采故長慶以兩家標體漢上則三子編題荆潭贈答序乞
昌黎松陵唱酬句廢皮陸聯吟之作由來尙矣詩既有之
詞亦宜然袁子蘭村氣軟優龍聲清雛鳳識璠璵之器見
于命名立詩禮之庭勤于問字非特一經親授亦七業俱
精矣在昔尊甫簡齋先生綈縵萬軸著述百家獨倚聲一
體缺焉蘭村以繡虎雕龍之筆寫初鶯早雁之思以搓酥
滴粉之情試摘豔熏香之手奉月樓一編非巧占餘地正
善承家學也竭以需次都門薄遊輦下東音西舞酒人挾
悲之場北燭南油嬌女觀燈之所玉笙按譜銅笛迴波豔
帷屏之福花戶油窗銷酒色之天柘枝畫鼓步天街而踏
月敲銅錢以呼冰不少間情殊多古意亦有宮荒碣石處

處斜陽臺沒黃金年年芳草瓊華島在空憶蕭家仙露坊
殘最憐趙氏玉鉤燕子尋紅石之荒墳金縷垂楊訪黃華
之小巷流連勝蹟憑弔前朝睇遠銷魂臨風寫怨則有青
衫羈客班管才人解唱菖蒲工吟芍藥微雲殘月咸登秦
柳之堂鐵板銅絃各據蘇辛之席每當隔城鐘定小閣燈
來星捲疏簾風停畫燭旣命倚而歎侶復對酒以當歌窺
屏則影瘦唐花隔座而香銷燕玉怨紅鹽而雨碎催白紵
以涼新同賡長短之吟各寫淺深之怨莫不引商刻羽蕩
氣迴腸搜往蹟于斷粉零香寄逸思于酒旗歌扇仙雲欲
起豔雪爭飛可謂極鏤玉之勝場盡雕瓊之能事矣某清
耽白石豔遜金荃嚼蕊吹花獲與題襟之會翦紅刻翠尤

孰側帽之唸何圖舊雨方殷而停雲又散揚州月好長江
水深蘭村聽子夜之簫續丁簾之夢或亦託烏絲而寄遠
拈紅豆以懷人蕭寺花飛蘆溝柳短春陰似夢別緒如絲
催一曲之驪歌悵三生之鴻迹風流雲散能不惘然隍引
淒迷離心鄜重城南蕢醉尙畱我輩之詞場江左開雕好
續君家之詩話

秦漆漁燕吟合草序

夫帝京景物旣其曩編燕都遊覽不乏小志西園聞見之
錄北京歲華之記竝組織月令藻繪風俗其有以杜陵大
家之筆效虞初小說之體續兩都賦成一家言如秦子漆
漁燕唸合草可述焉漆漁淮海後人蘭陵正士嶽嶽江海

之抱盤盤著述之才少美遊翱久居京國黑貂已敝青衫
愈緇天涯節序驚我旅魂客子光陰付之詩卷凡爲新年
詞二十首端午詞十首中元詞十首中秋詞十首金臺雜
詩八十首至于摩挲碑碣摹範山水金臺芳草感望諸之
遇白塔斜陽誌壽昌之謠過金海橋望瓊華島經紅石口
弔玉鉤斜訪希憲萬柳之堂禮慈聖九蓮之寺登高能賦
識小不遺爲燕山詠古詩百首其爲詩二百三十首夫輦
下萬流輻輳百貨走集鐘鳴鼎食之家聯闥而接軫東音
西舞之場蕩氣而炫目士之汨志于名利殫精于華綺者
衆矣漆漁訪幽薊之士風採遼金之軼事銅駝石馬詢諸
野老名藍精舍考之圖牒如聽兩山旅話如讀潞水客譚

可以補甲乙之賡言可以續癸辛之雜識豈不賢乎斯足
傳矣僕亦嘗觀覽四郊浮遊近縣酌新豐之酒藥都市之
琴每以短什長謠付之浮煙浪墨讀君佳什增我牢愁屬
以緒言試爲喤引倘比世說新語不讓臨川如增日下舊
聞無慚竹垞云爾

何蘭谷僊槎漁隱圖序

始寧之郭有僊槎之邨焉遠溯曹娥之江近沿謝傳之墅
鴉陣圍樹楓葉凋其冷紅蜃氣蝕隄海水搖其空綠涼星
三五映漁火以共逝閒鷗一雙竝釣絲而徐起幽寂澹澹
可漁可隱吾友何君玉檢世居於此摩詰示疾卜居華子
之岡子真避人誅茅王官之谷村之南君祖

先生草

堂在焉曝書之樓藏弄萬卷劉向正士成藝文之略荀勗
儒臬訂中經之簿君讀晏嬰之楹書守顏氏之家訓孝田
之設以篤本支義塾之建以訓童幼至於託興綸竿耽趣
煙水枕流漱石若將終身世承纓黻遂膺赤紫種桑拔薤
誦活人之書勸穡敦耕究齊民之術循良奏最行歸此人
而君佇興泉石結想巖壑彭殤旣悟右軍著誓墓之約靈
憲甫司平子誦歸田之賦需次都門屬廣陵朱素人寫爲
此圖乞余爲文以記之泉水在山將布潤於大壑行雲出
岫彌增戀於故林命意若斯斯爲賢已夫絲簧合奏乃振
盈耳之響荃蕙竝芳斯播悅魂之馨何則同調者其音協
合臭者其氣和也僕之行也投觚心惻捧檄色喜西溪之

西漁莊在焉流萍被沼修篁連吟傷蟹齏以築隄橫鶴柴而啓門蓑笠之適逸於服冕舴艋之便安于擁騶東望槎浦一舍而近思歸之引厥有同志異日者君辭遠遊之冠我著隱士之服期更以此圖爲息壤也

褚文洲水蜜桃譜序

余至青村之次月葢滬城卸篆之第四月也吾園主人李君筠嘉以園桃見餉且郵書一冊曰此亡友褚文學所輯水蜜桃譜也君其序之余惟柰出華陽榴產頓遜細棗以嶗嶮擅奇文杏以蓬萊名種莫不疏陸璣狀稽舍第七發之林備三都之賦是以橘錄詳於彥直荔賦序於九齡子建作都蔗之詩孝威有林檎之啓若其求種度索稟精玉

衡晉則華林選植唐則康居入貢秣陵以桃葉名江伊闕以桃林爲塞薺如之盛紀載備矣水蜜一種志乘未詳然冀北有肅寧之產山左有肥城之沃僕車轍所至甘芳用饗江南之美漚城爲最文學剖晰種類體驗生植著述之暇作爲斯譜簡而有法質而不俚類橐駝種樹之書有楊泉物理之論美哉其虞衡方物流亞歟李君珍此秘文將付剞劂庶幾西京雜記竝珍漢苑之縹梨北夢瑣言非止趙家之櫛棗云爾

仙女廟與姬人湘玉書

畫眉竟月判影淡句眷眷之懷曷云能已憶別玉臺卽登畫舫暫經虎阜秋氣已深薄暮出關風輕帆利曉至梁溪

漸有寒色長風西來落葉東下艤舟斷潢戢影下渚利鏃
穿牖潑水襲衾塵氛蓋天哮吼連夕翼日稍息方欲解維
舟膠不行河冰四合迴帆古驛問訊鄰舫篙師束手船婦
嗟歎東船西舫近不得語竟夕輾轉舍舟遵陸龍山無影
馬蹄有聲晚抵蘭陵復理舟楫卽夕解纜曳冰而行韻儕
金絲響儼竹月碎玉粼粼盡過舟底大聲驟起雷霆裂石
千聲百狀心魂俱振推篷起視悄無人聲寒月暖空霜氣
流野次日晌午乃抵曲阿津吏惑人云可逕達行未二里
萬檣不前岸高日稀知未解凍斂手而噓抱影而息晨復
登輿竟指京口三山黛色飛落襟袖出自西門市廛雲合
循麓而下直達江許晚霞西橫暮潮東上狂飈激蕩時作

怒聲王事靡盬不遑啓處乃狎白浪逕登紅艫夕陽將下
風力忽止浮玉一峯麗若翠采背陰則半作黛客迎陽則
盡作金色歸鴉四起半逐去帆寒雁一聲時荅柔櫓晚抵
瓜步已上燈火乘月而行將四十里夜至揚州城闔已闔
僦居旅舍寒氣逼人燭寒不花酒冰無味瘦蝨緣壁時來
囓人客子憔悴能不悵悵次晨入郭言訪舊雨立談數語
行李已戒渡河卽行炊黍已達地有古祠舊祀仙女花柳
塵凝玉座苔黯彼何人斯志乘失攷羅郁仙詩蘭香靈跡
碧雲天際彌復惻惻所思不見如何如何過此百里當逕
海陵一舍而遙乃至雒皋辟疆公子小宛麗人水繪廢園
聞有遺趾晨書暝寫再緘魚素東星窺牕殘墨在紙玉人

天際臨穎主臣

海上與彭甘亭書

述白高齋握手得申誠悃雁燕代飛積懷未竟晚抵劉河
漸上燈火夜潮始生殘月未落一葦已達解裝行館小住
三日勾當甫竟舟人告順登艫北行海程三百翊日始至
按圖攷書親行履畝無偏無黨羣喙咸息竊計言旋可得
迅速六鷁過宋乃與同退前之風信本利東南今茲歸帆
又空西北萬春始華協風告至雨雪其雩事不恆有轉柁
沙島寄棹海濱此去大洋僅二十里白日杲杲惟照歸舫
夜色冥冥時聞怒潮晝夜飄搖有若鴻雁仰視浮雲不能
奮飛阻滯日久資斧告罄糗糧不給乃啜哺糜藜飫不供

惟啖菜菽暮無燈燭未昏而寢海水斥鹵臣渴欲死同行
四舟凡百餘人載飢載渴同罹此厄愴惻之意曷能去懷
若此之境凡六七日計無復之乃始蹈險逆風張帆若鳥
側翼低昂洪濤之中迴旋滄溟之上狂飈掩袂惡浪打篷
洞駭心目震盪魂魄千驚百恐僅乃獲濟來往七效尙須
四日內達江潯亦賴北風相見何日難以懸定僕以親老
乃圖捧檄破浪之志雖其素心臨深之戒實所深凜王事
靡盬遠涉海壖老親在堂甘旨久缺病婦在室藥餌失調
燕燕居息盡瘁事國北山之詩古今同慨矧十年京師已
極憔悴經歲河上備嘗艱苦凋瘵之餘所望培養行役不
已實難爲繼桂蠹集辛蓼蟲集苦境遇之厄豈其性哉家

有老屋面山臨流秋蘆十畝漁莊在焉稍得息肩卽圖告
歸謂予不信有如皎日因便寄書敬道懷念小詩一篇錄
以奉正白雲在天滄波無極所思不見如何如何

重修河東君墓記

嘉慶己巳冬余以試吏承乏海揭其明年庚午春二月公
事少暇乃偕友人沈君春蘿高子犀泉同爲虞山之遊因
過維摩之寺循徑而上遂至拂水拂水者錢宗伯之山莊
也就蔭敷坐啜茗滌煩偶因山水之滋閒話龍漢之劫絳
雲百尺久其煙消紅豆一枝又先春謝蘭亭已矣更無脩
竹茂林金谷依然莫問香塵鈿蓮感白楊之作柱嗟紅粉
之成灰眞武祠僧性圓者年六十餘自言兒時見錢園之

側瞿墓之西有冢隆然有碑屹若曰河東君之墓五十年
來星霜屢易人物代謝鶴冷苔荒蛩淚水咽碑旣不存墓
亦不可指矣青山斜日悵惋久之按本傳君盛鬚鞞雲明
眸鑒月前身楊柳小字蘼蕪宜居綽約之廬小住娉婷之
市共歸于宗伯也蘭亭翠羽妙解文章匏爵靈簫遂諧姻
眷江總持之璧月狎客詞工于廣運之琅玕仙家音好黨
魁冠世佳俠含光洵厨顧之風流亦嬋媛之麗則也旣而
雨雲反覆花月滄桑龍去空山鵲啼故國顧善持之燈屏
繡障綺麗依然黃皆令之斷水殘山蒼涼不少假令白頭
一死碧血三年豈不遠姬雁門近儕臨桂紅拂人衛公之
傳綠珠與石尉竝傳哉而乃中書去宋家令歸梁沈初明

玉盃珠簾庾蘭成江潭枯樹遺老神摧亦彼姝心惻矣嗟
乎桂樹冬榮黃花晚節從來巾幗足媿須臾當其訓狐夜
噪封狼晨搏澄心堂上已飛羅綺之灰海岳菴中莫保研
山之石而君乃從容畢命慷慨捐生於以靖家難保遺孤
充斯量也非值彤奮崇麗竝與青簡爭輝矣華君麗植家
本龍山戚聯鹿苑邦族旣悉文獻可徵訪之故老及其後
裔名宗元者得君遺冢于花園橋之北中山路之南東界
小溝西接園弄蓋卽秋水閣耦耕堂故址渦涎繡篆曾無
玉女之碑烏夢啼香誰識瓊姬之墓余慨厥遭逢憫茲俠
烈爰修遺隴竝勒貞珉嗚呼樊通德遺聞可紀君眞漢殿
之姝隨清娛舊志重刊我媿褚公之筆

書後

孫原湘

自昔蒼梧高殉節之雲祠崇斑竹新息誓復讐之水廟
祀桃花綠珠一井圓潔淳波紫玉孤墳貞香沁上匪獨
標其勝蹟抑亦勵彼頽風河東君者當建卦化易之年
矢代國摩笄之志時則狐蜮含沙鼠牙孽孽鳴鳴入室
鵲卵瀕危君念碧玉畱身則承嗣之豐觥不絕元音碎
首則嚴武之悲憤方消於是帶挂貞枝粉書聖壁菱夷
族難解散仇謀雖使莒婦報夫荀女就義曷以過焉或
病其書校枇杷曾填樂籍歌迎楊柳本隸章臺生已舍
暇死寧論節不思梁家金鼓比沈氏之知兵毛惜蛾眉
學貴兒之罵賊白圭尚可磨也青樓豈無人歟黃鵠七

載未聞夜半捐生燕子十年終欠樓頭一死如君者可
謂蓮花不染芝草無根者已或病其投刺黃門催妝畫
舫恥同帷幕事類桑中不思珠貴授明禽須擇木紫衣
虞侯識李靖之英雄綠綺當壚爲相如之佳耦但使節
高晚蓋何容議刻泉邱彼盧江旣敗而入宮阿紀不言
而終嫁杜秋娘詩題金縷沈阿翹曲奏涼州視此爲何
如哉或又病其捐軀不早引決已遲與其殉夫身後看
江令之簽名何如誓死君前當朱游之和藥不思太傅
將裁夫人入阻壘山尙在李氏敢先君指劍瀝誠握繩
諷義而遊池水清庭芝求死而不得梯雲火滅應應墮
地而猶生遂使沈郎慙婢神之言張谷負新聲之諫至

於朝雲說偈伴白髮之坡翁潤玉長齋授青園之梵行
識者可以悲其遇已君葬所相傳在秋報門外拂水莊
故阡之側末裔式微叢冢摧敗嘉慶庚午之歲錢唐陳
君文述來宰吾邑百廢具修爲政多暇乃偕同志海寧
查君揆金匱華君麗植披拂荆榛裒益釐土武擔攢鋪
五丁表石鏡之門靜樂叢鄉一抔掬牆陰之土於是礪
文石碣昭示來茲所以表義烈重風教也段橋芳草客
澆蘇小之魂香逕紫蘭人與眞孃之樹信都道上寵奴
可呼蘭昌宮前雲容斯在況才節如君者而聽其黃茅
煙鎖青燐風飛金盃飄零玉鉤沈沒耶湘忝隸茲鄉樂
聞勝事竊慕青綾之義用題黃絹之碑庶幾絳雲遮處

霜楓連齊女之墳紅豆生時春燕識玉京之墓

附錄河東君墓碣

查 揆

自昔扶風設絕不問窈窕之名厭次應諧乃託宛若之
迹靡風環俗驂服六朝夸飾疇行竿濫八代炙輶解小
郎之圍拙簪聆濟尼之論魏成君去乃有朝雲伶元妾
來何嫌通德或謂侍千牛之巾拂則反手者三上鴟夷
之輦杭亦效顰者屢抑知穆姜再拜賦綠衣之卒章息
媽無言拒湘宮之萬舞葑菲下體簫勺暮年如河東君
者抑亦難矣君生稟異質歸并英流姓本盧前諡從錢
後竊以信陵醇酒婦女多歸北部黨魁業備知慕羣議
所趨非云清尚迹其通識別有慧因夫深山大澤實生

應蛇幽阜單岑非無荃蕙宏光之際鼙鼓驚花房匳閉
月誰言趙鬼能讀西京亦有吳姬爭歌南渡或天魔舞
豔忽沈叔鉢之圖或神女行雲已泣灌壇之夢君獨慧
觀擾擾妙悟如如依顏特進頌歸心之篇就雷次宗發
往生之願彌戾之事跳出頻伽之瓶餉空張蒼則肥白
如瓠有仍之髮光可鑑歌舞疑仙冠巾說法我聞之室
其後喻乎若乃首陽何拙柳下爲工野史亭空獨雪遺
山之涕通天臺迴空銜初明之悲梧桐秋雨擁髻而泣
漢宮山鬼女蘿挾瑟而歌楚調內無可以託妻子之張
越外不聞有致生芻之徐稚顧獨能涕淚飾巾從容引
袂無殊伯姬下堂之言有逾尾生抱柱之信嗚呼何其

烈也君墓在虞山之西麓拂水山莊遺址也其前爲秋水閣其旁卽耦耕堂枯桑知風土偶誦雨狐邱旣墟蛾蟻屢蟄煙淒露迷螻鳴蚓弔訪其後人僅有存者予友錢唐陳君文述來治縣事徵文獻闡幽微棄瑕崇瑜遺濁表潔披荆改松命畚揭阜所以慨陳迹嘉晚志也旣封植矣授毫于予略其治豔進于貞正庶幾齊女有冥漠之侶枚生非優俳之體銘曰

似花非花如鏡非鏡住四禪天爲色究竟生也慧業死也正命去來灑然嬋娟掩映天之生是爲才者媵

擬景福宮銘

層霄耀趾仙苑栽基山河對戶日月環扉左接乾清前臨

寧壽軒敞南榮檐垂北斗璇題壁合網戶珠連翠恩十二
屈戌三千冀苗堯階花深禹洞蕙露凝盤松雲生棟壽華
敷礪福草周阿泉通地脈池接天河藤影綠疎花叢紅小
北闕雲晴西山翠曉觚稜樓閣複道眠虹晨鸞鐵鳳晝滴
銅龍屋見堯心牆殷舜蓀琴協薰風毫垂寶露辰階直上
甲帳平開遙峯崑閬近樹蓬萊金鑑繙書玉壺試墨詩紀
和甘圖懸耕織農桑漢詔几席周銘八紘在牖六幕來庭
春靄芝楣膏融部屋月峭鶉居星源蛾伏宸礪淵穆

帝籙悠長憲 天纂緒景福無疆

長白山銘

茫茫元氣皓靈表尊上應北極外包東藩平揖華嶽俯臨

崑崙五峯挹秀三江發源初地雲霧太古冰雪臺起瑤池
城亘玉壁遠睇吉林近控窩集作鎮龍荒奠基鼇極靈脈
委輸周池成淵星源涌地泉紳落天雙流南闢闔門導焉
混同左絡愛淖右旋萬笏東起一榦西走巖巖泰山羣嶽
之首坤靈蟠結實惟壽邱天地一柱是生神州聞唳瞻霄
尋蹊得路懸崖削玉複嶺連璐奇獸奪鮮珍禽失素蘆薈
白花槎枿香樹陁陁壁立堂基砥平峻阪十上飛梁三成
經緯箕尾綱維幽營昊緯與宅 初皇作京海鏡蒲昌界
臨柳穀樂奏軒臺靈疑舜麓神鵠有巢朱果恆熟玉檢合
符金繩閼錄鳳紀日月龍興 帝王百神建福萬靈會昌
巍巍溫德興京之陽秩宗望祀億年無疆

醫巫閭山銘

烟熅震域胚胎坤輿融結朔野緯繡東區日月仙闕星辰
帝都高山天作曰醫巫閭拔地千盤凌虛萬仞典肇虞封
圖開周鎮望海堂高補天石峻丹嶂霞明翠屏雲潤雙峯
截崑崙嶂崔巍垂雲厓合分水關開巖城鎖鑰竺國樓臺
潭空龍去寺古仙來碧洞桃花青巖飛瀑石門嶺高沙河
源曲三石凝青千峯送綠珠峯毓珠玉泉歎玉陰阪有雪
陽泉不冰連磴百折初栳十層遶門遙控雄關俯憑包絡
九部拱翊三陵巍巍闕宮翼翼新廟祀典明禋柔祇崇報
祠官肅穆禮臣祭告最廣穹碑龍鸞丹詔岱封青帝華敕
金天紫泥其印玉冊同鐫御香雲起天章日宣甯都永護

於斯萬年

丹達山銘

寒沙蝕海凍雲薄天茫茫西域高山峙焉陰阪九折陽厓
十上冰槽百里雪城千丈俯鏡河源側睇戈壁不知春夏
希見日月瓦合東去甲貢西迴神祠寂寞寒鴉往來

日月山銘

青海萬里連山突兀一峯切雲出入日月麓抱琳宮陸周
帳部根蒂搏桑枝柯竊掛顧兔東躍踰鳥西淪佛說阿耨
仙言崑崙循環繼照燦壁颺采何以儼之曰星宿海

燕支山銘

雁塞名山龍庭麗色方出秦宮名喧燕國南朝井涸北地

花繁魂斷青冢春濃玉關閑
氏婉孌可敦嬌妒風月常新
雨雲何處紅成一路青連九
邊猶防漢將不數祁連

玉女峯銘

晚蓮凝碧朝霞斷紅亭亭獨
立嬋娟一峯顧影嬋娟迴身
窈窕宮闕青鸞牕櫺朱鳥仙
掌掩袂石盆洗頭月鏡窺曉
鬟雲鎖秋天上明星人間玉
女縹緲秦雲暮爲行雨

美人峯銘

巫峽西上瀟湘北流一峯明
嫋皎然素秋月是蛾眉霧疑
蟬鬢新婦磯遙小姑祠近迴
雪斂袖山花繡衣不隨五婦
常從二妃秦嶺飛雲楚天夢
雨何須宋玉非同神女

小姑山銘

雪浪迴風水花飛雨霧髻煙鬟渺焉終古峽雲窈窕江鏡
嬋娟湘妃其珮漢女分釵不墜彭郎肯兄蔣帝對月長孤
臨波獨麗煙波畫舫簫鼓靈祠青鸞赤鯉長從翠旗

眉石山銘

龍膏積翠麝煤暈碧春山無媚爰生眉石眉石如何調鉛
染蛾漢殿縹縹栗隋宮黛螺抱玉重岡懷香複嶺御莊落葉
溫泉水冷晚煙欲起新月還來遙峯一桁沈吟玉臺

玉帶山銘

玉帶山雲綰闔東偏之山也疊石懷煙折徑環月
循磴而下有帶之狀矣因爲銘曰

奇石一品玲峯九鑲尋徑步屨佳哉此山芳蒨攬環幽蘭

紉珮紳泉挂壁巾峯連黛虹橋綰綠鏡潭縈青東霞朝霽
西翠晚晴可以彈棋可以弦詩衆芳華綬仙雲玉衣巍巍
上公黃河之誓君寶綸組我懷薜荔

琅嬛仙館玉螭帶鉤銘

玉兮溫潤螭兮蜿蜒束一品衣箱三公綬君子服之宏富
貴壽

六琴銘

善手明徽大音正希空山無人寒雪自飛

青雪

冰蠶作絲弦不絕商聲入指天地碧

碧蠶

龍門之桐高無枝絙以九珥靈泉絲一彈再鼓鳳來儀

綠鳳

覆龍額拊虵腹素月流水天綠十三徽十三玉

玉十三以古玉十

三易
得之

瀟耶湘耶水耶雲耶

瀟湘水雲

碧雲日暮天四垂
珊珊玉女來何遲

玉女環珮

漏光鏡銘

迴文

耀日凝眸照月激圓

璧月樓眉子硯銘

迴文

調螺點黛描蛾染翠

簪花閣墨銘

迴文

蘊珠凝玉潤腴激腹

合歡茗壺銘

迴文

沁芳漱玉飲香縹緲

潤露凝珠蘊素澄腴

謝吳石雲侍御惠鏤金櫝榔合啓

紫葦騰英紺珠錯彩仁頻滿貯價值南金鬼工妙製來從
西舶類唐宮之玉合殊劉氏之金柈將使捧手之暇長此
入懷消食之餘依然飽德

謝孫古雲襲伯惠藏香啓

瓊麝遠賁金鉅微熏采從鹿女之林製自雁王之國貢來
絕域厯青海之流沙賜出尙方驗黃封之

御墨都夷兜約遜此毼氍潔華麗居讓茲醢馥所常薰以
青煙蘭綺博山之器陳之玉案梅花蕉段之柈某方昧漢
宮序慚范史四天證果思忝大乘之禪萬里平羌更憶上

公之烈

謝家小筠襲子贈弓啓

品重挹婁製殊宛轉考庸太室曾挂扶桑較藝仙閣新傳
躡柳雖復馮珧楚珍屈盧秦寶尙將避此銑淵遜其利決
佩入華林庾子落花之賦韜將蠻布梅家春雪之詩執簫
以佩拜懃何辭

謝李筍香

筍嘉

餉園桃啓

一辭黃浦再至青村憶紅雨於小樓話綠波之潭水遠來
遠使用黃園桃甘逾五色之瓜潤浥三危之露昔曹植謝
柰之表鄴下播芬屈原頌橘之辭郢中發唱方茲品味足
滌煩悃僕灤河北涉海表南遵品香檠於戈船飽楹梓於

秋塞拜茲嘉寵倍飫芳鮮何雕盤於賓座共喜分甘荐春
酒於高堂更期益壽

祭沈忠節公文

惟公海表孤臣江東正士請纓北闕比漢代之終軍轉漕
西京邁唐朝之劉晏輯成書者五卷風雲長護諸胥督海
運者七年遼薊咸資利濟始以中書舍人之秩洊邀光祿
寺卿之褒旣而海水羣飛天星隕耀建業籌邊之議首聯
淮泗以防江翁洲翊主之誠更輯軍民而履畝膺倚畀則
宗藩竝建披腹心則羣策同扶思挽墜日於虞淵終阻颶
風于海若一身報國萬古流芳惟
聖世之褒忠

詔禮官而錫謚新廟作枌榆之社長標勁節于河山舊遊
戀桑梓之邦永祝安瀾于海濱神其來格鑒此苾芬

沈忠節公祠堂祀祭文

惟靈質秉恢奇性成果毅定秦刀劍無非勁俠之才橫海
帆檣大有英雄之士其相從忠節公也或談兵幕下或決
策師中或護儲胥于鮫涎蜃氣之中或冒鋒鏑于礮火雲
旗之下莫不同甘白刃共矢丹心至若盱眙從親死兼忠
孝無忌似舅生秉貞純或晦迹于南山或湛身于東海凡
茲義烈均合馨香嗚呼將軍報國同登楊僕之船烈士殉
名卽是田橫之島神其降止鑒此微忱

沈忠節公祠堂後祀祭文

惟靈志堅金石操履冰霜呼漆室以憂天並懷清而守節
鄧林秋老挺貞松勁柏之姿丹穴春寒晦寡鵠孤鸞之蹟
門第無慙于忠孝芳徽允協乎幽貞茲當祔祀之辰用展
蘋蘩之敬嗚呼化此地爲孝子順孫卽是一家眷屬合百
世之貞姬烈女永茲萬古蒸嘗

查伯葵尊人隨軒先生朱孺人雙壽序

夫泰山之雲膚寸爲霖其質厚也櫛木之榦一柯蔽日其
植深也兩戒導源於天稷而襟帶之勢偉矣五嶽引脈於
介邱而方鎮之觀鉅矣是以父道子道傳取橋梓之象良
弓良冶記衍箕裘之訓然則元方將車乃顯太邱慈明行
酒彌賢季和美德述容事歸一致揆往卓今理無殊軌隨

軒先生江介畸人海表漫士爲張衡博通之學有陳登湖
海之氣高柔玩世竝徵室家之賢嵇含賦詩益增伉儷之
重蓋德配朱孺人儀法鍾郝才儷班左姆師酒食酌蘋蘩
之議書女工機杼製隱逸之衣服周禮所云順備漢紀之
稱婉靜殆兼有之先生於家舅氏爲從叔行述又與令嗣
伯葵交崔盧至戚世爲婚姻孔李通家竟略行輩蓋述與
伯葵先後受知于今中丞阮雲臺先生聞聲於甲寅之夏
識面於乙丑之春時則孫古雲襲伯爲鄭莊之主人啓平
津之舊閣鄴下應劉每從遊譙梁園枚馬竝工詞賦述與
伯葵庾闡曹毗接跡于南州邢劭魏收齊軫于北地蓋同
下榻于雲繪園者彌年于茲矣間從文酒之暇獲聆疇德

之美誦劉向之戒書讀顏氏之家訓門地垂誠早貽柳玘
之謀班荆設訓亦徵陶潛之達乃知編蒲之勤卽析薪所
貽也磨盾之才亦書屏所訓也軌憲貞度淵乎鑠矣若其
陰德耳鳴軼事口誦分晏嬰之祿舉火者數家解范叔之
袍挾纊者同里徒步送客幸免溺人之笑會葬立約式廣
枯骨之仁充其量則大裘廣廈不足言其襟抱也假以權
則拯溺埋齒不足喻其利澤也李士謙之振施張文詡之
雅度史冊所炳先生有焉世居龍山先壟在焉永安之湖
紫雲之村巖岫複沓陂塘連屬林木幽靚涼雨自流水花
開落夕月相照輒復枕石漱流命儔歡侶稱隱君子作漁
丈人斯又鹿門之芳規襄陽之遐躅也伯葵自言少日讀

書匪直家學兼秉慈教蓋朱孺人牽蘿補屋勉夫子之清
名隔幔授經廣諸郎之德業若其成士行之大名問黃裳
于末座則又卓識淵懿朗度闊遠焉古雲之奉太夫人也
以孝聞夕膳采蘭春陰藝竹賢母之圖述詩之伯葵贊之
三人者以篤行相勗也述之少也家嚴以俯仰之累奔走
衣食義方之訓亦得于太夫人爲多庭闈之訓每聞言而
動容屺岵之思咸觸懷而警寐則雲繪園者古雲之北堂
亦吾兩人之南陔也今者鄙人將爲皖江之行伯葵猶索
長安之米行李已戒嘉頌是屬述聞之得富貴之子不若
得文章之子文章之子又不若孝友之子伯葵峻望輝燭
秉心塞淵文章孝友已身兼之富貴雖不可知阮中丞曰

伯葵豈少爵祿之人哉異日者披方慶之錦衣奉蔡襄之冠帔僕更將進都荔之詞爲康爵之獻質之古雲當亦嗑然而笑也

沈西離清蔭禪院延秋雅集序

昔少陵有東下蘇臺之詩太白有夜譙虎邱之序吳中池館其詩人壇坫歟西離大令駕湖逸才雉皋舊尹精通六書妙擅八詠竹垞舊址倡和長蘆之吟水繪廢園流連詠梅之地茲以返棹秣陵弭節茂苑江鷗狎羣谷鶯求友嘯詠墨會琴會招邀詩仙酒仙以立秋後二日同人會於僑寓之清蔭禪院夫針磁之合氣類應也鐘鐸之協聲律和也故松茂柏悅士衡喻其性情雪白蘭薰孝標齊其品望

吳門者梗楠之鄧林鸞鳳之丹穴也張文昌之故居蘇子
美之舊館皮陸倡和於甫里楊范聊吟於石湖高徐揚芳
於前代尤沈濟美於國朝乾嘉以來於斯爲盛大令旣
申編紆之誼緣訂雞黍之約是日也檐桀初脫庭花正馨
清風被於座隅白雲止於天際拈花悟禪得句呈佛觴詠
旣談諧轉清嗟夫山川何限藉人物而始彰風月不常
得文章而彌顯故鄴中朱華標譽於七子徂徠竹溪擅勝
於六逸大令家於構李去吳門一舍而近各濬三江之源
同飲五湖之水僕於大令同經舍於琅嬛齊宦輒於江表
是集也會者十二人余以采薪斯而不至屬爲喁引誼不
敢辭孫子志和爲圖餘各爲詩他日者記洛陽之伽藍志

西溪之梵隱香林一角或與斯集並傳也

朱南臺大令天風海濤琴趣圖序

天風海濤圖王君叔畦爲朱君南臺琴趣作也自昔金暉
玉軫縵操七音鳧掌鳳池妙通九引選椅桐而任材藉翠
緣以成飾琴之作也其於中古乎用是音感造化氣通神
明瓠巴致遊魚之聽師曠感元鶴之舞清飈因其流聲遊
絃發其逸響聲音之道其感人最深者矣南臺先生皖水
英流吳郡循吏有傳毅作賦之才效單父下堂之治官江
左者十五年於茲矣抽簡牘之暇察絲桐之理爰命絹素
託爲丹青夫別鶴飛雉羈旅之幽思也導燕居之和氣則
偏歸風積雪佚女之綺思也儷莊士之正襟則褻先生浩

瀚之氣體兼韓蘇齊一之致悟深莊列改賀若楚澤之吟
作成連水仙之操茲圖之作其有宦海蒼茫之感乎僕江
淹恨人元結漫士看山手板歲歲送人織路腰輿年年故
我迷津易觸覺岸難登屢爲失路之吟空作思歸之引以
視先生宰山水縣綰赤緊符上考屢書循聲特達者不可
同年語矣陽春白雪非同宋玉之寓言流水高山誰更鍾
期之知我是爲序

山塘佇雲樓記

佇雲樓在山塘桐橋北距海湧峯不二百步孫氏天寶樓
故址也大河前橫密林交陰比鄰則花藥流馥隔水則臺
榭映波明霞媚人恒宿檐際遠山窺影時見林表有明秀

之逸致無倥偬之俗懷誠嘯詠之名區流覽之勝概也嚶
城張君吟樓僑寓於此以舊名不雅馴乞余題額余之浮
沉人海馳逐名場者二十年於茲矣縞紵訂交金石結契
掃蔣詡之徑下周璆之榻以待余者世不乏人以余之字
雲伯也儀徵阮伯元師爲余與族兄曼生建曼雲吟館於
武林節院生古雲襲伯署停雲館以待余去年秋爲白下
之遊亦署停雲水榭於秦淮河上鴻雪之縱歷歷在目今
張君來吳門輒訂余過從細雨浣春素月送夕綰紅闌之
柳絲話綠波於蘭槩不殊少陵蘇臺之遊屢誦太白虎邱
之敘余非張君不歡張君亦非余不樂也延佇之意較之
惠休日暮淵明詠懷尤殷殷焉因以佇雲名樓且爲詩以

誌之吳門帆檣所集冠蓋之交聽鼓多暇載酒屢遊則有
花步劉氏寒碧山莊慕園徐氏清華池館並林壑幽邃水
木明瑟今得斯樓益暢登陟他日者記中吳之名園詠蘇
臺之古跡綠陰一角或與劒池片石並傳茲記且嚆矢矣